

**LJEKARSKA/LIJEČNIČKA KOMORA  
FEDERACIJE BOSNE I HERCEGOVINE**

**PRAVILNIK O IZMJENAMA I DOPUNAMA  
PRAVILNIKA O UTVRĐIVANJU ZAJEDNIČKIH KRITERIJA ZA LICENCIRANJE  
ČLANOVA LJEKARSKE/LIJEČNIČKE KOMORE FBIH I  
ČLANOVA KANTONALNIH/ŽUPANIJSKIH LJEKARSKIH/LIJEČNIČKIH  
KOMORA**

Tuzla, 02.12.2023. godine

Na osnovu člana 221. stav 6. alineja 1. Zakona o zdravstvenoj zaštiti FBiH ("Službene novine FBiH" broj 46/10, 75/13) i člana 8. Statuta Ljekarske/Liječničke komore FBiH, Skupština Ljekarske/Liječničke komore FBiH na sjednici održanoj dana 02.12.2023. godine, na osnovu Zaključka Izvršnog odbora Ljekarske/Liječničke komore FBiH br. 01-184/23 od 21.11.2023. godine, usvaja

**PRAVILNIK O IZMJENAMA I DOPUNAMA  
PRAVILNIKA O UTVRĐIVANJU ZAJEDNIČKIH KRITERIJA ZA LICENCIRANJE  
ČLANOVA LJEKARSKE/LIJEČNIČKE KOMORE FBiH I  
ČLANOVA KANTONALNIH/ŽUPANIJSKIH LJEKARSKIH/LIJEČNIČKIH  
KOMORA**

**Član 1.**

U preambuli Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora ( br. 01-95/14 od 26.04.2014. godine i br. 01-50/18 od 21.04.2018. godine) u stavu 2. poslije riječi "i članova kantonalnih/županijskih ljekarskih/liječničkih komora" brišu se riječi „čiji prečišćeni tekst glasi“, te dodaje novi stav 3. i isti glasi:

*„Skupština Ljekarske/Liječničke komore FBiH na sjednici održanoj dana 02.12.2023. godine usvojila je Pravilnik o izmjenama i dopunama Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora, čiji prečišćeni tekst sada sadrži: tekst Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora (br. 01-95/14 od 26.04.2014. godine i br. 01-50/18 od 21.04.2018. godine ) i tekst Pravilnika o izmjenama i dopunama Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora br. 01-214/23 od 02.12.2023. godine, te prečišćeni tekst sada glasi:“.*

**Član 2.**

U članu 5. stavu 2. poslije riječi "jednog kantona" dodaju se zarez “,“ i riječi "drugog entiteta ili Brčko Distrikta BiH" , te poslije riječi "na području drugog kantona, postupak" brišu se riječi „upisa u registar ljekara/liječnika, kao i“.

U članu 5. poslije stava 2.dodaje se stav 3. i stav 4. i isti glase:

*“Ljekarska/Liječnička komora F BiH nadležna je i onda kada ljekar/liječnik dio radnog vremena obavlja u jednom kantonu, dok drugi dio radnog vremena ljekar/liječnik obavlja u drugom kantonu.*

*U slučaju iz prethodnog stava, kantonalna komora gdje liječnik obavlja veći dio radnog vremena ili po izboru liječnika je primarna, dok je Ljekarska/Liječnička komora F BiH nadležna za izdavanje licence u drugom kantonu.“*

Dosadašnji stav 3. postaje stav 5.

### Član 3.

U članu 12. stavu 1. tački 1) iza riječi „*medicinskog fakulteta*“ dodaje se zarez „ , “ te riječi „*stečenu na akreditovanom Univerzitetu u Bosni i Hercegovini*“.

### Član 4.

Član 15. se mijenja i isti glasi:

*„Ljekar/liječnik, koji je promijenio mjesnu nadležnost komore, u roku od trideset (30) dana podnosi ranijoj matičnoj ljekarskoj/liječničkoj komori zahtjev za promjenu matične komore i izdavanje licence u novoj mjesno nadležnoj kantonalnoj/županijskoj komori.*

*Po zaprimljenom zahtjevu ranija matična komora dostavlja novoj mjesno nadležnoj kantonalnoj/županijskoj komori u vidu elektronskog dokumenta dokumentaciju iz registra za podnosioca zahtjeva, uključujući i važeću licencu, navodeći i eventualno izrečene mjere u ranijoj matičnoj kantonalnoj/županijskoj komori.*

*Nova mjesno nadležna kantonalna/županijska komora ujedno je i nova matična komora člana.*

*Matična kantonalna/županijska komora može od podnosioca zahtjeva tražiti dostavljanje dokumentacije u ovjerenoj fotokopiji.“*

Dodaju se član 15.a i 15.b i isti glase:

#### Član 15. a

*„U uslovima opisanim u članu 15. ovog Pravilnika nova matična kantonalna/županijska komora izdat će licencu sa rokom važenja licence iz prethodne matične kantonalne/županijske komore.*

*Nakon izdavanja licence nova matična kantonalna/županijska komora podnosi zahtjev za ukidanje prethodno izdate licence sa danom izdavanja licence nove matične kantonalne/županijske komore.*

#### Član 15. b

*Ljekar/liječnik koji je član jedne kantonalne/županijske ljekarske/liječničke komore, a prijavljuje se u konkursnu proceduru za posao - obavljanje djelatnosti u zdravstvenoj ustanovi smještenoj u drugom kantonu, neophodno je da u trenutku prijave posjeduje važeću licencu izdanu od strane do tada mjesno nadležne kantonalne/županijske ljekarske/liječničke komore čiji je član, bez uslovljavanja u konkursnoj proceduri prethodnog ishოდovanja licence izdane od strane kantonalne/županijske ljekarske/liječničke komore drugog kantona u kojem se provodi konkursna procedura, a zbog neizvjesnosti ishoda provedene procedure.*

*U slučaju zasnivanja radnog odnosa shodno provedenoj konkursnoj proceduri ljekar/liječnik će postupiti prema odredbi člana 15. stav 1. ovog Pravilnika.“*

### Član 5.

Član 16. stav 1. se mijenja i isti glasi:

*„Ljekar/liječnik, koji djelatnost u okviru svoje struke obavlja na području nadležnosti dviju kantonalnih/županijskih ljekarskih/liječničkih komora, i to na području nadležnosti jedne kantonalne/županijske ljekarske/liječničke komore, komore drugog entiteta ili Brčko Distrikta*

*BiH redovnim radom, a na području nadležnosti druge kantonalne komore dopunskim radom, dužan je pribaviti privremenu licencu izdatu od Ljekarske/Liječničke komore F BiH.“*

#### **Član 6.**

U članu 18. stavu 2. poslije riječi iz tačke 3) „*radnu dozvolu – nadležna kantonalna Služba za zapošljavanje*“ dosadašnja tačka 3) „*potvrdu o članstvu i aktivnostima u ljekarskoj/liječničkoj komori zemlje porijekla*“ postaje tačka 4), dosadašnja tačka 4) postaje tačka 5), te dosadašnja tačka 5) postaje tačka 6).

#### **Član 7.**

U članu 20. stavu 1. poslije riječi „*stručno istraživanje u oblasti zdravstva, edukacija*“ brišu se riječi „*učešća u seminarima, kongresima i drugim radionicama*“.

#### **Član 8.**

U članu 21. stav 4. se briše.

#### **Član 9.**

Član 26. stav 2. se mijenja i isti glasi:

*„Ljekar/liječnik, koji djelatnost u okviru svoje struke obavlja na području nadležnosti dviju kantonalnih/županijskih ljekarskih/liječničkih komora, ili na području nadležnosti jedne kantonalne/županijske ljekarske/liječničke komore, komore drugog entiteta ili Brčko Distrikta BiH redovnim radom, a na području nadležnosti druge kantonalne/županijske ljekarske/liječničke komore dopunskim radom, zahtjev za izdavanje licence podnosi Ljekarskoj/Liječničkoj komori F BiH putem matične komore.“*

#### **Član 10.**

U članu 32. poslije stava 1. dodaje se novi stav 2. i isti glasi:

*„Ljekar/liječnik starosne dobi 65 godina života i više, te ljekar/liječnik strani državljanin stiče pravo na obnovu privremene licence, ako je uz ispunjenje uvjeta iz člana 18. odnosno člana 21. ovog Pravilnika, u roku važenja prethodne privremene licence, stekao minimalno 15 (petnaest) bodova u postupku kontinuirane edukacije, te zadovoljio kriterije stručnog usavršavanja utvrđene Pravilnikom o zajedničkim kriterijima i postupcima stručnog usavršavanja ljekara/liječnika Ljekarske/Liječničke komore FBiH.“*

#### **Član 11.**

U članu 42. tački 4) poslije riječi „*predstavlja oznaku*“ dodaje se riječ „*obnovljene*“.

U članu 42. tački 5) poslije riječi „*predstavlja oznaku licence /*“ dodaje se riječ „*obnovljene*“, a poslije riječi „*u periodu važenja licence/*“ dodaje se riječ „*obnovljene*“.

#### **Član 12.**

U članu 46. poslije stava 2. i riječi:

„Zenica, 21.04.2018. godine  
Broj: 0150/18

Predsjednik Skupštine  
Mr.med.sc. Hidajet Rahimić, dr.med.prim.“

dodaju se riječi:

„Tuzla, 02.12.2023. godine  
Broj: 01-214/23

Predsjednik Skupštine  
dr. Amra Salkić“

### Član 13.

Ovaj Pravilnik stupa na snagu osmog (8) dana od dana usvajanja na Skupštini Ljekarske/Liječničke komore FBiH.

Ovaj Pravilnik je objavljen na web stranici Ljekarske/Liječničke komore FBiH [www.fmcbih.ba](http://www.fmcbih.ba).

Tuzla, 02.12.2023. godine  
Broj: 01-214/23



Predsjednik Skupštine  
dr. Amra Salkić  
Salkić A.